

rum S. Doctoris Novatores nostros assequutos esse negamus. Corporalia Sacra menta sunt verba visibilia, quia vim significandi res ipsæ visibles habent, Hæc vero virtus „ principaliter, inquit S. Th. loc. cit. est in ipsis verbis, quia „ per verba, seu quod idem est, per Sacramenti formam „ rerum sensibilium significatio determinatur; aqua enim „ significare potest & ablutionem propter suam humiditatem, & refrigerium propter suam frigiditatem; sed cum dicitur: Ego te baptizo, manifestatur, quod aqua utimur „ in Baptismo ad significandam emundationem spiritualem. Alterum argumentum ex Scholasticorum auctoritate & doctrina desumptum, exochade laborare, facillimum erit ostendere. Unum compositum physicum, cuius partes ita sunt conjunctæ & copulatæ, ut unam essentiam physicam constituant, materiam & formam ejusdem generis profecto requirunt; at stultum esset idem asserere de uno per accidens, aut de uno morali, stultissimum vero, nugacissimum argumentum ad Sacra menta referre, cum in his & similibus rebus tota ratio facti sit voluntas facientis. Tertium argumentum nil nisi Abderiticam mentem, & Metellianam ignorantiam prodit. Supersticio & magia esset forma Sacramentorum, si a Deo instituta non esset, vel si, quod absit, expresse, vel tacite cum dæmone inito pacto, Ministri a dæmone expectarent effectum Quod absit, inquit S. Augustinus l. 2. de doctr. Chr. c. 22., & lib. 3. c. 9., quod absit, ut de divinis Sacramentis cogitet animus Christianus, a quibus recte ita certam operationem expectamus, sicut a causis naturalibus; cum utrorumque Deus sit auctor & institutor; imo a Sacramentis multo certius, propter infallibilem Dei promissionem, quam de naturalibus causis, earumque perpetua operatione non habemus.

PROPOSITIO TERTIA.

Mutari non potest essentialiter Sacramentorum forma, quin Sacra menta ipsa irrita, nulla, & invalida fiant.

¶ XI. Quæ diximus Prop. II. non solum ostendunt formam